

SCRIPT OF EVENING GOJRI NEWS BULLETIN 26MAR 2025

1700HRS

اوننگ گوجری نیوز بولینٹن 26 مارچ 2025

یوہ آکاشوانی جموں بے محمد آسف تے نصرت تیں خبر سنو۔

HEADLINES

- ۱۔ لیفٹیننٹ گورنر منوج سنہا نے کہیو ہے جے جموں کشمیر بھارت غو اتوٹ انگ بے تے اس حقیقت نانہہ کوئی وی بیرونی طاقت بدل نہیں سکتی۔
- ۲۔ ضلع کٹھوعہ مانہہ دہشت گرداں غی تلاشی بارے اج چوتھے روز وی تلاشی مہم جاری ہے۔
- ۳۔ وزیر مملکت برائے امور داخلہ نتیا نند رائے نے کہی وہے جے وطن کو جانو پروگرام نے جموں کشمیر غا نوجوانان نانہہ اتحاد بارے کامیابی نال فروغ دتو ہے۔
- ۴۔ وزیر اعلیٰ عمر عبداللہ نے ایشیاء غا سب تیں بڑا ٹولپ گارڈن گو افتتاح کیو ہے تے خطہ جموں گا سناسر ٹولپ کارڈن غو اپریل مانہہ کھلن غا امکان ہے۔

LG JK

لیفٹیننٹ گورنر منوج سنہا نے اج اس گل غی توثیق کرتا واں کہیو ہے جے جموں کشمیر بھارت گو ایک اتوٹ انگ بے تے اس نانہہ یو بی تسلیم کیو جے غو۔ جدکہ کوئی وی بیرونی طاقت اس حقیقت نا بدل نی سکتی۔ اُن نے سخت الفاظاں مانہہ ایک پیغام دیتو جے مارا پروسی خطہ مانہہ کُج اناصر جموں کشمیر مانہہ امن ما خلل پان غی کوشش کرن بارے اندراج ہوریا ہیں جہیڑا جے کامیاب نی ہو سیں ان نے بولتا واں اس طرح کہیو۔ ایل جی موصوف نے یہ گل آئی آئی ایم جموں مانہہ نیتی آیوگ غی ریاستی ورک شاپ غے دوران کہی۔ اس موقع ور اُن نے لوکا تے درمیانہ درجہ بارے اداراں ور وی لوکھلی جن نے روز گار غا مواقعہ تے ہموار عوامی خدمات نانہہ یقینی بنایو ہے۔ اُن نے اس موقع ور سیوزیلینڈ تے جرمنی غی ترجیح ور خود مختار تے ڈیجیٹل ٹیکنالوجی اپنان ور زور دتو اس موقع ور چیف سیکرٹری اٹل ڈلو وی موجود تھا۔ اُنہاں نے اس طرح کہیو۔

MASSIVE SEARCHES

ضلع کٹھوعہ غا گھنا جنگلاں مانہہ دہشت گرداں غی دراندازی بارے ایک بڑی تلاشی مہم اج چھوتھے روز وی جاری ہے یہ متحرک تلاشی مہم ات غی ایک مقامی کالسری توں جد فوج غی وردی مانہہ دو مشکوک آدمی نے پانی منگیو اس وقت شروع ہوئی جس مانہہ حفاظتی دستا جن مانہہ فوج، اینایس جی، بی ایس ایف پولیس تے سی آر پی ایف غا نوجوان تمام تر جدید ہتھیاراں جن مانہہ ہیلی کپٹر ڈرون سراغرساں کُتا شامل ہیں سنگ تلاشی جاری رکھیا واں ہیں اجوں تک گرینیڈ تے گولہ بادور برآمد کیو جد کے ۳ مشکوک پوچھ تاجھ واسطے حراست مانہہ لیا گیا ہیں مقامی لوک وی اس تلاشی مہم مانہہ مدد کر رہیا ہیں۔ واضع رہ جے جموں پٹھان کوٹ مقامی شاہراہ نانہہ سانہہ کٹھوعہ غا مقام ور سخت حفاظتی بندوبست کردتا ہیں نال ہی سرحد ور نگرانی غا کڑا حفاظتی انتظام مانہہ بادو کردتو ہے۔

MOS HM WATAN KO JANO

وزیر مملکت بارے امور داخلہ نتیانند رائے نے اج کہیو ہے جے وتن کو جانو پروگرام نوجوانان اندر قومی یک جہی قومی انضمام تے سماج غی ہم آہنگی نانہ کامیابی نال فروغ در رہیو ہے۔ وزیر موصوف راجیہ سبھا مانہ پوچھیا گیا اک سوال غ جواب دے رہیا تھا۔ اُن نے کہیو جے یوہ پروگرام جمون کشمیر مانہ وزارت داخلہ غی فنڈنگ غے تحت کروایو گیو ہے جس مانہ جمون کشمیر غا نوجوانان نانہ بھارت غا دوجہ حسان غی ثقافتی تے تکنیکی ترقی بارے واقف کرایو گیو ہے واضع رہ جے یوہ براہ راست روزگار نی مہیا کراسیں بلکہ اس سنگ اعتماد مواصلات تے باہمی صلاحیتاں مانہ اضافو ملے غو جس نال مستقبل مانہ تعلیمی تے پیشہ غی ترقی مانہ فروغ ملے غو۔

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ آئندہ 30 ما رچ نانہ آکاش وانی ور من کی بات پروگرام مانہ اپنا خیالات سانجہ کریں گایا مہوار ریڈیو پروگرام غی 120 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی ہی قابل قبول وین گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن اینر مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات غے فوراً بعد اس نانہ علاقائی زبانان مانہ وی نشر کرے گو۔

TULIP GARDEN

جمون کشمیر مانہ سیاحت نانہ فروغ دین بارے اج ایشیا غا سب توں بڑا ٹولپ گارڈن نانہ لوکاں واسطے کھول دتو ہے جس غو افتتاح وزیر اعلیٰ عمر عبداللہ نے کیو ہے متوقع ہے جے اس غا افتتاح سنگ مقامی تے بین القوامی سیاح کافی تعداد مانہ وادی کشمیر آلے پاسے متوجو وین گا۔ جس نال وادی مانہ سیاحت غی صنعت نانہ فروغ ملے گو ٹولپ غی نمائش ایک بڑی کشش ہے جس نال خطہ مانہ قدرتی خوبسورتی نا آجاگر کیو جائے اس موقع ور وزیر جاوید نے اس طرح کہیو سرینگر ٹولپ گارڈن توں علاوہ سناسر ٹولپ گارڈن جمون خطہ مانہ ایک مقبول سیاحتی مقام ہے جس مانہ ٹولپ غی ۵۲ مختلف اقسام شامل ہیں۔ جس غی اپریل غا پہلہ ہفتہ مانہ کھلن غی امید ہے۔

RAJOURI AADHAAR FORGERY

راجوری مانہ آدھار اندراج مانہ بے ضابطگیاں ور سختی تین کاروائی کرتا واں ڈپٹی کمشنر راجوری ابھیشیکھ شرما نے پیدائشی تاریخ مانہ رد عمل تے جال سازی مانہ ملوث اوپریٹر نانہ معطل کرن غو حکم جاری کیو ہے۔ مارا نمائندہ غی رپوٹ غے مطابق غیر قانونی سرگرمیاں مانہ استعمال ہون آلا آدھار کارڈ ضبط کرلیا گیا ہیں تے معاملہ غی مزید تحقیقات جاری ہے۔ حکام نے یقین دوايو ہے کہ اندراج غا عمل مانہ بے ضابطگیاں گا ذمہ دار افراد غے خلاف سخت کاروائی کی جے غی۔ آکاش وانی غا خبراں آلا شعبہ سنگ گل کرتا واں ڈی سی راجوری ابھیشیکھ شرما نے اس طرح کہیو۔

RAJOURI SCHOOL EDUCATION

راجوری غا ضلع ترقیاتی کمشنر ابھشیکھ شرما نے اج گورنمنٹ بائز سکینڈری سکول راجوری مانہ سکولی تعلیم محکمہ غی جانب تیں منعقدہ ایک روزہ نمائش غو افتتاح کیو۔ اس نمائش مانہ طلبہ تے آساترہ نے بڑی تعداد مانہ شرکت کی جدکہ مختلف تعلیمی اداراں نے اپنا نمائشی ڈھانچہ وی لایا۔ اس موقع ور ڈی سی راجوری نے سکولی تعلیم محکمہ غی کوششاں غی تعریف کرتا واں کہیو کہ اس طرح غا پروگرام طلبہ نانہ اپنی صلاحیتاں گو اظہار کرن غو موقعو فراہم کرے تے اس سنگ سیکھنگو جزبو پیدا وے۔ آکاشوانی غا خبراں آلاں شعبہ سنگ گل کرتا واں ڈی سی راجوری نے اس طرح کہیو۔

RAMBAN PMEGP

جموں کشمیر غا کئی حصاں غی طرح رامبن ضلع مانہ وی نوجوان خود روزگار نانہ اپنا ربیا ہیں جس مانہ وزیر اعظم روزگار پیدا کرن غو پروگرام جیسا منصوباں ان غی مدد کر رہیا ہیں۔ یے سکیم مالی مدد فراہم کریں تانجے لوک اپنا چھوٹا کاروبار شروع کرسکیں خود کفیل بن سکیں تے مقامی معشیت نانہ فروغ دے سکیں۔ ایسو بی ایک کامیاب شخص بانہال گو زبیر احمد درابو بے ان سکیمماں غی مدد تیں انہاں نے اپنو گھر تیں چلن آلا مسالاں گو کاروبار نانہ ایک کامیاب کمپنی مانہ بدل دتو بے جہیڑی مقامی نوجواناں نانہ روزگار فراہم کر رہی بے تے علاقہ غی ترقی کر رہی بے۔ اپنی کہانی سانجہ کرتا واں انہاں نے اس طرح کہیو۔

KISHTWAR FESTIVAL ARR

ڈپٹی کمشنر کشتواڑ راجیش کمار شون نے اج سب صدر جمع تُل ودا تے عید الفطر واسطے انتظامات نانہ حتمی شکل دی۔ اس حوالہ تیں افسراں تے شورا کمیٹی غے نال ایک مشترکہ اجلاس ہوو۔ ڈی سی نے تمام متعلقہ محکماں نانہ ہدایت کی جے بر وقت تیاریاں نانہ یقینی بنائیں جس مانہ حفاظت گا انتظام پانی بجلی کھان پین غی اشیاء غی دستیابی تے بازاراں غی نگرانی شامل بے۔ محکمہ صحت تے دیگر اداراں نانہ ہدایت دتی گئی بے جے جشن غا موقع ور مکمل تیار ریں۔
